

Sakspapir

Sakshandsamar	Arkiv	ArkivsakID
Annika Tvedt Villanger	FE-441	22/167

Saksnr	Utval	Type	Dato
049/22	Formannskapet	PS	25.04.2022

Driftsavtale ungdomskontakten Salto 2022 - 2024

Saksutgreiing:

Målsetjinga for tiltaket:

- Oppretthalde drift av lågterskel-tilbod for uorganisert ungdom (rus, valds- og kriminalitetsførebyggjande tiltak)
- Førebyggje vald gjennom tidleg observasjon og intervensjon mot ungdom i faresona
- Hjelp ungdomar til å meistre utfordringar i livet gjennom tilbod om vaksenkontakt

Drift, perioden 2022 – 2024

Fordeling av kostnader mellom kommunane i perioden 2022-2024 tek utgangspunktet i budsjett 2021. *

Kommune	Prosentfordeling av kostnadane **	1000 kr
Alver	90	1276
Masfjorden	6	85,2
Modalen	2	28,4
Fedje	2	28,4
SUM	100	1418

**Auke i lønnsutgifter for dei tilsette i samband med årlege lønnsoppgjjer og eventuell auke i andre naudsynnte utgifter for perioden 2022-2024 kjem i tillegg.*

***Prosentfordeling tilsvarande ca. besøkstal frå dei ulike kommunane.*

Knarvik senter gir tilskot til Ungdomskontakten Salto gjennom å stille kostnadsfrie lokale til disposisjon inklusiv straum – tilsvarende om lag 180.000 kr. pr. år.

Tilbod til samarbeidskommunane

- Kjerneaktiviteten «ope hus» på treffstaden Salto med opningstid verkedagar kl 13.30-15-30, med unntak av onsdagar, som har ope kl 13.30-20.30
- Oppsøkjande verksemd – Knarvik senter (tilsette ved Salto snakkar med ungdom både før, under og etter skuletid)
- AART – «Adapted Aggresjon Replacment Training», AART er eit pedagogisk, manualbasert program som består av trening i sosiale ferdigheiter, sinneregulering og moralsk resonnering, ein kombinasjon som har dokumentert god effekt på klasse miljø og utfordrande åtferd.
- Samarbeid med skular i regionen, barneverntenesta, helsetenesta, NAV, oppfølgingstenesta (OT/OOT), politiet, ungdomskoordinator, Nordhordland Næringslag, Knarvik senter, samt andre frivillige lag og organisasjonar.

Referansegruppa

Referansegruppa har to møte i året og skal samarbeide om kunnskapsgrunnlaget for det førebyggjande arbeide ved ungdomskontakten Salto. Referansegruppa arbeidar med råd i høve til tema og problemstillingar i regionen, samt fastsetje møteplan. Deltakarane i gruppa er frå Alver kommune, politiet, Kyrkja, Knarvik senter, Knarvik VGS og tilsette ved Salto.

Vurdering

Folkehelse – tiltaket betrar folkehelsa for barn og unge i regionen og lokalt på Fedje
Miljø – førebyggjande tiltak for barn og ungdom er positivt
Økonomi – Alver kommune har arbeidsgjevaransvaret for Ungdomskontakten Salto. Fedje kommune får faktura tilsendt årleg. Kr 28,400 fordelt på 2 år.

Konklusjon

Fedje kommune har eit lågt elevtal på skulen, og det kan vere utfordrande for elevane på Fedje å nytte seg av tilbodet i opningstida i kvardagen i Knarvik senter grunna lang reiseveg. Samstundes ser ein av tabell over at det er eit tilbod som vert nytta av nokon.

Ungdomskontakten Salto samarbeider med viktige instansar som kan gje gode tilbod lokalt i kommunen. Det vurderast som naudsynt at me er ein del av samarbeidet vidare for å styrke folkehelsa og gje så gode tilbod me kan til barn og unge i Fedje kommune.



Fedje kommune

Forslag til vedtak:

Fedje kommune sluttar seg til vidare samarbeid med Alver kommune om Ungdomskontakten Salto

Formannskapet - 049/22**F - behandling:****F - vedtak:**

Fedje kommune sluttar seg til vidare samarbeid med Alver kommune om Ungdomskontakten Salto.

Samrøystes vedteke.